

Qu'èi lissat la camisa,
E los pantelons,
Nada vèsta, tà la hèsta,
Sonque taus orgulhós.
Que ns'èm trobats a quate
Dens la Dus Chivaus,
Hòu, Baptista, pisha viste,
Que vas har lo cincau.
E tot aquò que va plan,
Ce disè lo pinsan,
Si ne tornam pas au ser,
Que tornaram doman,
Si i a bruth aus escalèrs,
Que vam tirar los solièrs,
Mès totun aquò que pud,
Ce disè lo cocut.
E hestaires e pintaires
Sautan los dus pès en l'aire,
E cantaires e dançaires
Sautan los dus pès en cuu.

Lo sorelh qu'estarròca
Lo mort de set,
Que s'estanca, que s'estanca,
A cada estanquet,
Har petar la cantèra,
Dinca l'arrauquèr,
Hòu, Baptista, pisha viste,
Ací qu'èi lo sequèr.
E las hemnas qui passan
Qu'an l'espier lusent,
Damisèla, damisèla,
Ua nuèit o tostemps,
Aqueths uelhs qui s'arrapan,
Tròp chic de temps,
Hòu, Baptista, pisha viste,
Qu'èi per Diu dejà luenh.
I a la prauba camisa,
Qui n'a pres un còp,
Autan chopà, com la sopa
De Lostalòt,
Lo cap plen de musica,
Los pès fatigats,
Hòu, Baptista, pisha viste,
Lo cèu qu'èi estelat.

J'ai repassé ma chemise,
Et mes pantalons,
Pas de veste, pour la fête
Sauf pour les orgueilleux,
On est montés à quatre
Dans la Deux-Chevaux,
Hou, Baptiste, pisse vite,
Tu vas faire le cinquième.
Et tout ça, ça va bien,
Comme disait le pinson,
Si on ne rentre pas ce soir,
On rentrera demain,
Si les escaliers font du bruit,
On va s'enlever les souliers,
Mais tout ça, ça pue,
Comme disait le coucou.
Et fêtards et buveurs,
Sautent les deux pieds en l'air,
Et chanteurs et danseurs
Sautent les deux pieds au cul.

Le soleil assomme
Le mort de soif,
Il s'arrête, il s'arrête,
À chaque comptoir,
Faire péter la chanson,
À casser la voix,
Hou, Baptiste, pisse vite,
Ici, c'est la sécheresse.
Et les femmes qui passent
Ont le regard brillant,
Demoiselle, demoiselle,
Une nuit ou toujours,
Ces yeux qui s'accrochent,
Trop peu de temps,
Hou, Baptiste, pisse vite,
Elle est, pardieu, déjà loin.
La pauvre chemise
En a pris un coup,
Aussi trempée que la soupe
De chez Loustalot.
La tête pleine de musique,
Les pieds fatigués,
Hou, Baptiste, pisse vite,
Le ciel est étoilé.